

01 公園

游勝榮

這站仔，阮兜附近的榮星公園實在是有夠鬧熱的啦！因為舊矸仔貯新酒、舊店仔賣新貨！市政府佇舊年尾，共要甲強強欲臭痞去的兒童遊樂區，攏重整理過，真緊就隨閣開放予逐家迫迱矣！

新的設施，毋但有規大片的塑膠地毯、一大窟的幼沙仔，閣有增加誠濟好耍的物件，親像講上蓋新型的趨流籠、空中行吊索、吊雙環啦……，有幾若項，攏是因仔人上佻意要的。

這層予人歡喜的代誌，電視新聞嘛有報過幾若擺。來遮耍過的人閣常在佇網路頂懸食好鬥相報，所以講，無論是遠路抑近路、大漢抑細漢，誠濟人攏會曉欲恁因仔來遮迫迱，逐个攏嘛耍甲歡頭喜面笑哈哈。

若是拄著歇睏日仔，彼誠實會驚倒人，會使講是人山人海、洩秫秫，有當時仔連欲倚都強欲揣無位。有一半仔閣較古錐，規氣共『thian-tooh』順紲紮來，中晝閣叫人共便當送到位。就按呢，大細漢因仔食晝、睏晝攏佇遮做一擺解決，真正是一兼二顧，實在是夠心適的啦！毋但大人滿意，因仔閣較免講，來遮耍一擺就牢咧，定定嘛看因仔走咧予大人逐。大人喝規晡，因仔都欲若毋咧，叫攏

叫袂振動。若無，就是佇遐張、佇遐軀，佇遐吼毋轉去。這嘛莫怪，個定攏予人關佇厝裡，若恁出來耍，當然嘛像鳥仔放出籠，四界砵砵從。

會記得做因仔的時陣，和厝邊隔壁的因仔伴耍的，若毋是拍干樂、擲珠仔、掄尪仔標，就是灌杜猴、欲蝶仔、釣四跤仔，有的無的，耍法是加佻趣味咧，哪有像這馬的都市因仔，會當耍的極加嘛是遮的遊樂設施爾，看著一點仔趣味都無。是講因仔有通耍就好，一時風駛一時船，時代咧變、因仔的耍法咧變，咱的想法嘛愛綴咧變，若無，是會予人笑咱是老古板呢！

毋管時代按怎變，因仔全款攏是爸母的糖霜丸，看市政府重整理榮星公園予因仔耍、看大人閣願意陪因仔出來耍，看甲我這個退休的阿伯仔嘛綴咧變少年，綴個咧「老人食麻油」——鬧熱啦！

03 愛綴路的

王秀容

「啥人欲綴喔？」阿公準備欲出門囉。伊刁工喝欲予我聽的，因為兄弟攏大漢無欲綴矣，毋過我閣足愛綴呢！定定佇口要甲一半，影著阿公欲出去，就隨喝講：「我欲俗阮阿公來去矣，後擺才要。」囡仔伴攏嘛隨應講：「愛綴路的。」

有通食、有通要，我毋才會想欲綴。佇「生食都無夠，哪有通曝乾」的囡仔時代，若會當啖著四秀仔，袂輸猴山仔食著弓蕉咧，樂暢的感覺，到今想著猶閣會偷笑。

是食啥物好料的咧？上豐沛的就是去食一碗五箍銀的搥仔麵。彼塊囡仔中央的肉柿仔，攏留甲規碗囵了，才用湯匙仔共撈入去喙裡含咧，毋甘隨哺吞落去。阿公掙錢咧納數的時，我綴佇伊尻川後，全心全意咧軟彼塊肉的去汁，足甜的呢！莫怪到這馬，去到佗都愛食搥仔麵，連去飯店食包肥的『buffet』，嘛會先來一碗。人攏笑我無彩錢，點我講「哪閣有法度通食別項咧？」個毋捌啦！搥仔麵食落去，心情好，脾土開，顛倒食較濟！

我嘛誠愛綴阿公去漢藥店。定定有人來厝裡揣阿公討藥單，隔轉工伊就會去故藥仔。遐會當看著足特別的物件，像龜啦、驚啦、海馬啦，閣藥頭仔逐款攏有名，我坐佇邊

仔一下仔看動物，一下仔看植物，一下仔認藥格子頂的字，袂輸咧惹博物館咧，足趣味的。頭家驚我等久會囉，逐擺阮尻川才頓好，伊隨捎兩包宋陳予我窒喙空。酸微仔酸微，我會共含佇喙裡閣用舌共輓來輓去，袂輸擲煙腸的珠仔台，足好要呢！個若講傷久，頭家閣會補我兩包，我攏儉轉去分兄弟食。

我上愛綴阿公坐市區的去辦代誌，因為車牌仔遐挂好有一間簞仔店，阿公會買一包牛奶糖仔予我。我共當做寶貝全款袋佇橐袋仔，閣定定去摸摸看有落去無。一包十二粒，坐去閣坐轉來，我攏算好好，食甲賸六粒，轉去挂好兄弟一人食兩粒。

逐擺，我提出來分個食，免品，嘛足奢颺。個食甲足歡喜，毋過會笑笑窮分講，個古早綴有著，煞無通食，講我這個愛綴路的有影較好命！

07 快樂的兒童節

吳秀卿

今仔日是學校一年一擺的兒童節慶祝活動。踏入校門就看著司令台布置甲嬌嗲嗲，五花十色的雞娃仔，敢若一座美麗的城堡。運動埕頂頭一排一排的風吹輪綫風一直轉、一直楚，若咧跳舞、若咧唱歌歡迎阮遮的小公主、小王子。

八點鐘仔聲震，校長就敲鑼宣佈活動開始。一大陣的學生囷仔親像放出籠的鳥仔，衝對運動埕去。頭前排是灌風的踮流籠、電動機車站、雪文泡王國、投籃勇士隊、野球九宮格，有夠鬧熱！閣較內底猶有電影院、小丑仔樂園。哇！學校變做一個遊樂園呢！英雄看著美國隊長、蜘蛛人佇入口迎接阮，原來逐關的關主攏是老師妝的。

我先去騎電動 oo-tóo-bái，體驗騎車的威風，才閣去小丑仔樂園。小丑仔阿叔有夠古錐，伊做足濟好耍的動作共逐家弄甲笑哈哈，閣予阮捏伊的紅鼻仔，捏一下就吱一聲、捏兩下就吱兩聲，害阮笑甲攪腹肚。繼落來，閣去上蓋受歡迎的電動投籃球機台，排隊的人脹艱長。誠無簡單輪著我，我就功夫盡展，連繼投三粒入去，趁三塊糖仔。

用野球擊九宮格閣較愛靠技術，我球提咧相準準大力擊出去，輕輕鬆鬆就共九個格格仔攏擊倒，現場撲仔聲震袂煞，予我足有成就感的！上尾，走去看電影恰雪文泡王國

耍，會使講逐項攏耍透透，耍甲足歡喜的，我感覺阮正港是今仔日上奢颯的主角。

十一點一下到，逐家攏準時集合，因為上刺激的節目就欲起鼓矣！彼就是班級踮灌風的踮流籠比賽。聽著聲聲，規班衝對踮流籠退去。逐家團隊合作，下面的人共頂面的人鬥抹，一個接一個拚命踮起去頂懸。等規班攏踮到一位才同齊踮落來，雖然逐家攏踮甲大粒汗細粒汗，毋過，笑容是選爾甜、選爾仔滿足。這場比賽嘛是今仔日上精彩的『Ending』。

這擺的兒童節活動，袂輸一場刺激的冒險，嘛親像眠夢全款。感謝所有的老師恰志工，替阮設計遮爾心適的活動，予阮會當歡歡喜喜過一個快樂的兒童節。